

## 長江三峽-神農架 地質地貌人文環境考察營

# 日記

2017年7月8日 (六) 雨 第一天

黃梓皓

今天中午，大家準時在中國客運碼頭集合，展開了為期十四日、搭船搭車搭火車搭飛機的<長江三峽神農架地質地貌人文環境考察營>之旅。

到達珠海九洲港碼頭之際，Jason教授已在等著迎接我們。忽然下起了傾盆大雨，大家抽著行李都顯得有點狼狽。

很快，我們抵達入住的中山大學商務酒店。整頓後，我們去參觀了充滿建築特色<書中有路>的圖書館，也逛了一下這個偌大舒適的校園。

晚上，中山大學和香港中文大學的學生一起玩遊戲，交流一下。大家都是中大人，很快便混熟了，希望考察的時候會一起努力，互相幫忙！



2017年7月9日 (日) 晴 第二天

黃梓皓

早上在酒店用過早餐後，我們離開校園範圍到社區的共樂園遊覽，了解唐家灣的歷史和人文背景。天氣很悶很濕，走兩步已經身濕透，大家都有點擔心在長江三峽的天氣會否更難捱。在回校園的路上，老師們給我們買了冰凍的飲料，我們真幸福！

吃午飯時，每人派了九十元的飯票。我們隨便點了個四、五鎊的飯才十幾元，大家都在討論怎麼可以在三餐內用完那九十元.....


下午所有中大生(包括中大和中大)集中開會，聽老師講解實習的安排，和領取考察用具。大家都整裝待發了，期待明天一百人一起坐火車往宜昌三峽展開考察實習！



2017年7月10日 (一) 雨 第三天

第一組：陳卓亨、梁譽寶、馬浩朗、譚毅希、鄧文慧

是咁的，我哋懷住好 眼瞓嘅心情出發去廣州搭K932火車去宜昌。經歷過前一晚嘅房game之後，xue ba們都喺前往火車站嘅途中瞓着咗。大家以為上到火車之後嘅 xue ba會繼續瞓，少年你太年輕了，正所謂有奶便是娘，有嘢玩又點會瞓呀？火車上除左TA Walter哥哥每個鐘嘅精彩做gym環節，仲有玩狼人白癡仔同講咗幾個揭尾故，玩到連飯都幾乎唔記得食，十幾個人一齊逼喺下格床嘅歡樂時光過得特別快，轉過頭就夜深啦。值得一提既係，呢張馬桶照係我地嘅小鮮肉Mark哥驚險下影低嘅，佢差啲就跌咗部電話落去。之於半夜之後嘅故事就留俾下組講啦。



## 2017年7月11日 (二) 晴 第四天

第二組：陳雅翹、梁學程、羅穎寶、潘思霖、余慧偵

經過15個小時火車，大家都累透了，來到宜昌第一個行程就是吃早餐，吃飽了就急不及待的出發前往秭歸地質基地，因為我們只想快點洗澡睡覺！

• • •

來到基地安頓好了，就去聽基地職員的briefing，一聽飯堂的用餐時間，oh my goodness • •，十一點吃午餐、五六點吃晚餐也太早了吧？然後我們就去吃午餐，是我們第一次用飯卡，菜色很便宜，也很健康(因為大部分都是蔬菜• • )。

下午四點，我們以一身修路工人般的裝扮，就集合正式出發去field考察黃陵花崗岩，看見中山大學的同學用功做 field work，然後我們還一頭霧水，就知道我們有多不專業了，哈哈，還好有教授很詳細的給我們講解地質入門知識。



## 2017年7月12日 (三) 晴 第五天

第三組：張霽渝、何敏燁、伍皓希、孫嘉晉、董海琳

終於第一次見到稀歸嘅陽光！琴日，我哋响一片迷霧中到達秭歸開展考察；而今日，我哋唔單只重見陽光，仲有機會參觀第一個正式嘅景點~屈原祠，而嗰邊依然都係一個有特色嘅景點！首先，我哋沿途上近距離望到三峽大壩「高峽平湖」壯觀嘅景色，順便為幾日後參觀大壩嘅行程「做定功課」；跟著，我哋終於到咗景區嘅「戲肉」：屈原祠！雖然屈原祠只有正立面保留落嚟，但係裡面嘅設計同展覽一啲都唔馬虎（仿建部分設計古色古香，並展覽亦能簡明扼要咁講述屈原生平），而且仲係一個自拍嘅熱點！睇完展覽之後，我哋個個都爭先擺出相機、手機，為我哋「立相存照」（尤其係我嘅手口勢，吸引咗唔少鏡頭注目）；之後，我哋到咗景區裡面嘅吊橋。雖然吊橋同屈原祠本身，以至屈原都似乎冇咩關係，但反而就係我哋嘅重點：影莊相固然必不可少，橋上彈跳同dem beat就更不在話下啦！另一方面，我哋由橋上都可以感受到三峽景色，晨霧，同埋居高臨下嘅感覺！

食咗午飯之後，又嚟到「開工」考察嘅時間啦！我哋坐住旅遊巴，去到江邊附近嘅兩個岩壁做考察，睇睇覃家廟層狀岩（尤其是嘗試搵啲結核出嚟）；除咗「搵石仔」之外，我哋亦都趁機沿住果園嘅梯級，嘗試跑落江邊，親手碰碰「滾滾長江東逝水」。雖然我哋最後冇跑落江邊，但係就能夠由另一個角度睇長江（岩壁嘅斜度，同埋農民點樣克服崎嶇不平嘅地勢）！





2017年7月13日 (四) 晴 第六天

第四組：施偉豪、謝可兒、葉承天、余家禧

話咁快嚟到 Day 6，我哋繼續喺晴朗的一天出發。話說今日係去行山，要行個幾鐘上「鏈子崖」。個山崖叫「鏈子崖」，係因為山崖之中貫穿住無數條鐵鏈。吓？點解要咁做？你仔細望下「鏈子崖」三個大字右手邊，座山其實有好多又長又大概裂縫，全靠無數條鐵鏈打橫拉住，右邊嘅山石先至冇崩塌咋。一但佢碌落嚟，隨時令江面突然上漲，甚至形成堰塞湖，威脅下游沿岸。但係，喺佢仍然安全嘅今日，我哋只係匆匆行完山就去食晏喇。咁當然，行山過程同埋食晏之後都仲有好多考察地質嘅時間，但係費事悶親大家就唔多講啦。



2017年7月14日 (五) 雨 第七天

第一組：陳卓亨、梁譽寶、馬浩朗、譚毅希、鄧文慧

唔～天氣不似預期～呀唔係，係總似預期，氣象局講咗幾日話會落雨，個天終於捨得落雨，唔駛嘍熱辣辣嘅陽光下暴曬，搞到大家流汗流到件衫扭出水。

今日我地去咗三峽大壩，欣賞號稱全球最大型嘅水利工程建設，大壩前後水位差高達100米，足足有超過三十層樓高，有供電同泄洪之用，而佢地嘅「大船爬樓梯，小船搭電梯」嘅船隻運送裝置亦令人嘆為觀止，要安全咁運送船隻穿越大壩上下游絕對唔容易。題外話，個大壩工程耗資大概千幾億人民幣，仲要差不多回本，算係咁啦。

之後我地再去咗黃陵廟，去睇下十九世紀時候一次洪水嘅記錄，入面有兩條柱部分柱身有被水浸過嘅痕跡，以示當年洪水有幾嚴峻，喺人口眾多嘅長江流域，假使再次發生如此程度嘅洪水，必會造成嚴重嘅人命財產損失，所以水利工程必不可少。



2017年7月15日 (六) 微雨 第八天

第二組：陳雅翹、梁學程、羅穎寶、潘思霖、余慧偵

今日朝早睇咗啲沉積岩，覺得啲石好黑好碎呀。

講起三遊洞呢，個洞入面有蝙蝠，佢地不停叫，我地都不停扮佢地叫，跟住有一隻就飛走咗喇。個三遊洞入面有個人無頭架，好得人驚呀！

下晝我地去咗睇奇石，啲奇石都係奇形怪狀，有高有矮有肥有瘦，大家都紛紛走去自己喜歡嘅奇石影相。

另外，我地上車果陣發現有陣好臭嘅屎味。講真吖，真係又cap又臭囉。原來我地有位團友踩咗狗屎，但即刻落車磨地下，但磨完上黎都係有陣好臭嘅臭味，真係好cap cap。



## 2017年7月16日(日) 雨 第九天

第三組：張霽渝、何敏燁、伍皓希、孫嘉晉、董海琳

今日無前幾日咁曬，照舊七點半集合。我地遲左成一個鐘出發，點解？事關有人尋晚整壞左廁所板，要傾掂數先走得。

我地喺架車到dun咗差唔多個半鐘，就到三峽人家碼頭，大家都好有興致咁買條雪條食。食完就上船~

船有上下層，我地要睇靚景緊係上上層啦。上面又真係幾正嘅，我地企咗喺船嘅兩邊，欣賞外面的江水和植物嘅美景，感受一下外面涼爽的風。有時會有其他船喺旁邊駛過，我地會向佢地揮手say hi。

上岸之後我地影咗張大合照，就沿住小溪旁邊嘅路行，我地見到一啲小船同埋兩個大風車，又見到一個女仔擺住把遮企在船頭，又見到有個女仔喺溪邊擺住棒槌洗衫。行到盡頭嘅時候，就見到一個婚俗表演。

嗰度嘅新娘每日隔半個鐘頭就要嫁人一次。為咗睇得清楚啲，我地好早就霸定靚位等睇 show。

節目開頭就有個男人企出黎講咗幾句野。但係我一句都聽唔明。

之後就有5個姑娘出嚟跳咗段舞，可惜舞步唔太整齊。跳完舞，媒婆出場。佢講野我地依然聽唔明，但係見大家都拍晒手掌，對白應該幾搞笑。

幾個姑娘再度登場，佢地拋花球落觀眾席。接到嘅男人可以做新郎。

話咁快到成親個日，女家個個都哭別新娘。此時，新郎哥正在換衫。佢一出場，一身喜慶引來全場注目。開開心心咁唱完<伙記歌>之後，就開始洞房花燭夜。唔使一分鐘，個 b 就出咗世喇。story end~

婚禮表演完咗之後，我地就行返去之前影大合照嘅地方。呢個時候就已經係中午啦，有一隻好可愛的狗仔喺度瞓緊覺。我地喺去食午餐之前買左啲炒薯仔同埋腸仔食。呢日嘅午餐都幾辣下，所以頭先買嘅炒薯仔就成為咗我地加餸嘅救星啦。我地有團員好鍾意午飯裡面嘅炸魚仔，走嗰時仲擺走咗剩低個啲，邊行邊食tim。

我地晏晝食完飯就搭船去下一個景點。上船嘅時候天氣還好，但係冇耐就狂風大雨，下個景點就 cancel 咗，提早去宜昌酒店 check in。我地今次醒目坐下層嘆冷氣，但係有寶寶坐喺上層，啲雨水飛晒入黎...

去到宜昌酒店，個名叫"運7" or "luck 7"，笑死我地。酒店房尚算乾淨，唯一缺點就係我地一打開窗就對住地下嘅停車場，所以大家都有開窗簾。

我地喺酒店留咗一陣就食晚飯啦，我地嗰日係兩點食午飯，六點食晚飯，所以對於我地黎講，呢個體驗真係好有趣。食完晚飯後，我地喺餐廳外面睇到雨後嘅彩虹，我地都即刻擺起手機影相。可能係因為彩虹嘅出現實在係太難得，一啲宜昌本地嘅居民都擺起相機影低呢個彩虹。

去宜昌酒店沿途見到好多商店，我地都想食完飯出去逛下。食完晚餐，我地就周圍行下，搵k房，又真係俾我地搵到間。

行去k房嘅路一啲都唔係路，我地一路沿住路邊行。因為係建築地盤，所以我地係踩住濕嘅黃泥行上去。

到左k房，我地當然要book房啦。我地有幸觀賞到員工跳舞。在強勁嘅音樂襯托下，員工腳步一致，氣勢□□地跳舞。與 dem beat 相比有過之而無不及。

我地好 high 咁唱到11點幾就回程。天黑黑，加上人生路不熟，大家都有啲徬徨。我地貼住路邊，逆線而行。好彩我地最後都有驚無險咁返到酒店。



## 2017年7月17日 (一) 第十天

第四組：施偉豪、謝可兒、葉承天、余家禧

來到行程的第十天，我們一行人來到中國十大名瀑之一——「三峽大瀑布」。大家都輕裝上陣，準備好完全濕身的準備。在熾熱的太陽下，大家都加快腳步，探索完沿途岩層的特性之後，隨即往瀑布方向直奔。所謂「飛流直下三千尺，只緣身在此山中」，為了感受瀑布的威力，有些男生乾脆脫掉上衣，張開雙臂，感受瀑布由高處墜下那股衝擊力。我們連同中山大學的同學一連就穿越三四回瀑布，快活得猶如把幾天以來憋住的悶氣暑氣通通趕走，暢快無比。

午餐後，我們繼續觀摩「金獅洞」。一踏進洞穴，頓感涼意陣陣。往前一看，無一不被眼前五光十色的彩燈和奇形怪狀的鐘乳石所吸引著。我們摸黑前行，邊聽老師對溶洞形成的講解，邊嘗試感受身邊濕漉漉的鐘乳石，不禁感慨著大自然的鬼斧神工，將一塊塊平平無奇的石頭拼湊成如詩如畫的風景。



## 2017年7月18日 (二) 晴轉雨 第十一天

第一組：陳卓亨、梁譽寶、馬浩朗、譚毅希、鄧文慧

今日日頭我地去咗Shopping。咦，好似有啲唔對路，呢個團唔係地質考察團嚟嘅咩，做咩一個二個走晒去買野(好似我都有份)? 其實我地今日去咗有大量角石化石嘅觀察點陳家河，嗰道啲角石化石之多就好似喺香港你周圍都見到花崗岩咁，好多同學都買咗舊打磨咗嘅返屋企留念~ 依書直說，果啲角石化石係嚟自4億幾年前奧陶紀嘅無脊椎古生物，係一個好重要嘅古生物記錄。除咗睇同買化石之外，我地仲見識收集活動物標本嘅過程，師超凡老師作為中山大學嘅古生物學專家，佢親身示範喺石堆中收集動物，又同我地介紹咗類昆蟲嘅生物嘅進化史。食晏過後，中山大學嘅同學們就結束咗佢地嘅地質考察，而我地就踏上咗前往神農架嘅旅程(不過行程聽日先繼續)，我地喺旅途中段——興山住返晚，兼且休息一下，玩下房game，打下士碌架，輕鬆快活渡過今宵~



### 2017年7月19日 (三) 雨 第十二天

第二組：陳雅翹、梁學程、羅穎寶、潘思霖、余慧偵

離開興山後，我們終於來到最後一站神農架。第一個景點就是四大美女之一——王昭君的石像。

目睹石像的一刻，我們嚇然發現昭君像的外貌竟然與其中一位同學十分相近。

然後我們去了昭君故里。宜昌一帶的岩石含有大量角石化石，連鋪路的石頭都鑲滿了化石。

午飯後我們乘車正式進入了神農架的範圍。在瀑布前大家紛紛擺出有趣的動作拍照。

不得不提的是我們遊覽過的景區開發時都選擇盡量不破壞原有生態。鋪行人道時，人們會保留空間給擋路的大樹生長，而不是砍掉樹木。雖然這樣使道路有點難行，不過也是值得的。

經過一天的行程，我們抵達了木魚鎮。安置好行李後，整個小鎮忽然停電了！鎮上的人都走出來看戲。

一波未停一波又起。回房間休息時，我的室友兼組員突然開始流鼻血，然後發瘋似的喊救命。半小時後她的心情仍未平伏，在我耳邊喋喋不休。



## 2017年7月20日 (四) 晴 第十三天

第三組：張霽渝、何敏燁、伍皓希、孫嘉晉、董海琳

第二日神農架嘅旅程喺一場薯片實驗中展開。我哋喺所居住嘅木魚鎮(即海拔約1240米)買咗一包香橙味嘅薯片，而喺我哋往高海拔地方進發嘅同時，亦有一路留意住薯片包裝嘅變化。

喺我哋嘅第一個落車點，華中屋脊(海拔2600米)，我哋影咗一張大合照。期間我地多咗好多同伴，因為有好多昆蟲仔喺我地身邊飛黎飛去！

(呀！！) 而呢個時候包薯包裝片已經開始感覺到好實，好似隨時會爆開咁。

我哋一路默默為薯片加油，一路向為於海拔2820米嘅神農谷觀景台前進。一上到觀景台大家都“嘩”咗一聲，因為眼前嘅景色實在太壯觀，我哋就好似身處雲海上面咁。有啲人拎住自己嘅手機相機係咁影，有啲人喺神農谷想度下包薯片嘅腰圍嘅時候，突然傳來一聲爆破，我哋嘅薯片就終於係海拔2845米嘅高度爆開咗。隨即我哋喺眾人奇異嘅目光中對住呢一包薯片高聲拍手歡呼，好興奮地分食薯片。

之後我哋到達神農頂瞭望塔，雖然因為冇時間俾我地親身行上人稱華中第一高峰嘅神農頂，但仍可以離遠望到神農頂，同靚靚風景影下相，仲有隻神農馬添 OP！

用中餐之前，我地去咗板壁谷睇一條奇形石柱：生命之根。點解要叫生命之根？可能佢嘅奇突形狀就係帶來新生命嘅起源...你自己意會下啦！

用完中餐，我地去咗睇一啲動物，有金絲猴啦，金鷄啦，黑熊啦，佢地都好可愛呀。跟住大家努力講下價買咗好多食物做手信添。

之後我哋到達香溪源，相傳王昭君喺呢度跌咗一條珍珠頸鏈，而令到呢度嘅水變得特別清香，甚至有美容功效。香溪源嘅水係神農架嘅雪水，就算果度嘅水好冰，每個去嘅人都會係果度洗面洗手，好多人仲會喺呢度裝水返去煲嚟沖茶飲，聽講啲茶水會特別香。大家睇住風景，沿住溪流行到最入，裝咗一樽又一樽嘅香溪源水返去沖茶沖杯麵，仲有人即場飲咗添！

吓？有冇常識□...竟然飲冇煲過嘅...溪水.....

時間過得太快啦，估唔到已經嚟到個trip嘅最後一晚，真係好唔捨得，好想再同大家玩多幾晚傾多啲計呀 /\_\ 雖然傾計到好夜，但聽朝要早起，都係比自己瞓下啦。



2017年7月21日 (五) 雨 第十四天

第四組：施偉豪、謝可兒、葉承天、余家禧

短短14天的行程結束了。

回想起我們在中港城的相會，一切仍彷彿如昨天。

旅程中作別了許多，亦得到了許多。

我們作別了中山大學清幽的校園，作別了三峽大壩及岩石，作別了地質大學，作別了中山大學的同胞，作別了神農架的風光，作別了各位老師，最後更作別了你我，不帶走一片雲彩。

離別時刻已到，我們卻意猶未盡。希望學弟學妹及我們將來仍有機會參與這種富有意義的交流活動！

#我懷著依依不捨的心情回家去。

